



OFFICIAL PRESS RELEASE

6 'Epeleli 2016

Tānaki Fakamatala 'a e Pangikē Pule Fakafonua 'o Tonga' fekau'aki mo e Ngaahi Kautaha

Fakapa'aanga 'oku 'ikai ko ha Pangikē.

Na'e fakamafai'i 'e he fakatonutonu ki he lao 'a e Pangikē Pule Fakafonua 'o Tonga 2014 'a e Pangikē Pule Fakafonua 'o Tonga' ke ne pule'i mo tokanga'i 'a e ngaahi kautaha fakapa'anga' kotoa, kau ai e ngaahi pangikē mo e ngaahi kautaha fakapa'anga 'oku 'ikai ko ha pangike' 'oku fakahoko fatongia 'i Tonga ni. 'Oku kau ki he ngaahi kautaha fakapa'anga 'oku 'ikai ko ha pangike' 'a e ngaahi Kautaha Sino'i Pa'anga Malōlō, Kautaha Malu'i, Kulētiti 'Iunioni, Ngaahi Sosaieti Fetokoni'aki, Ngaahi Kautaha Kulētiti, Kau Nō Pa'anga, Ngaahi Kautaha Nō liki, Ngaahi Kautaha Fakafetongi Pa'anga Muli mo e Ngaahi Kautaha 'Inivesimeni. 'Oku ngāue leva ai e Pangikē Pule Fakafonua 'o Tonga' ke tānaki ha ngaahi fakamatala mo ha sitesitika 'o fekau'aki mo e ngaahi ngāue fakapa'anga (financial services) 'oku fakahoko 'e he ngaahi kautaha fakapa'anga 'oku 'ikai ko ha pangike' pea mo e natula 'o 'enau fakahoko fatongia'. 'E tokoni 'a e ngaahi fakamatala 'e tanaki' ke fakapapau'i 'oku fakahoko fakapotopoto 'e he ngaahi kautaha fakapa'anga 'oku 'ikai ko ha pangike' honau fatongia' pea mo toe lava foki ke malu'i 'a e totonu 'a e kakai 'oku nau ngāue'aki 'a e ngaahi kautaha' ni. 'E toe tokoni foki eni ki he ngāue 'a e Pangikē Pule Fakafonua 'o Tonga' ke fa'u e ngaahi lao mo e tu'utu'uni ki hono tokanga'i 'o e ngaahi kautaha fakapa'anga 'oku 'ikai ko ha pangike'.

'Oku fanongonongo atu heni ki he kakai 'o e fonua' 'e 'a'ahi atu e kau ngāue mei he Pangikē Pule Fakafonua 'o Tonga' 'o kamata mei he 'aho 7 'o 'Epeleli 2016 ke tānaki e ngaahi fakamatala, mei he ngaahi kautaha fakapa'anga 'oku 'ikai ko ha pangike'. 'I he'ene pehē', 'oku mau kole atu ai ki he ngaahi kautaha fakapa'anga 'oku 'ikai ko ha pangikē' ke mou tokoni mai 'o fakafaingamālie'i ange homou taimi' pea mou poupu mai ke tau fengāue'aki 'o ka 'a'ahi atu 'emau kau ngāue' ki homou ngaahi kautaha' takitaha. Ko e ngaahi fakamatala kotoa pē 'e 'omai 'e tauhi malu 'aupito ia pea 'e toki tukuange atu pe ki ha tokotaha 'i ha'o loto ki ai.

Ki ha toe faka'eke'eke, kātaki 'o fetu'utaki mai ki he tafa'aki kihe ngaahi kautaha fakapa'anga' 'i he telefoni 24-057.

Ki ha ngaahi faka'eke'eke kataki 'o fakafetu'utaki ki he:
Pangike Pule Fakafonua 'o Tonga
Telefoni: (676) 24-057; Fax: (676) 24 201
Meili 'Elekitolonika: nrbt@reservebank.to
Peesi 'Initaneti: www.reservebank.to